

ՅԼԱԳԼՈՒԽ ԿՈԹՈՂՆԵՐ ՎԱՐԴԵՆԻՍԻ ԼԵՌՆԵՐԻՑ ԵՎ  
«ՎԻՇԱՊԱՔԱՐԵՐԻ» ՄԵԿԵՆՈՒԹՅԱՆ ՀԱՐՑԻ ՇՈՒՐՋ

Օ. Ս. ԽՆԿԻԿՅԱՆ

1986 թ. Մարտունու շրջանի Մադեն գյուղի «Ատտաշ» կոշվող ամառային արտադրում, որը ջրառատ, ընդարձակ տարածք է, նկատեցինք բազալտե «վիշապաքար»։ Վերջինս, ըստ տեղում աշխատող տրակտորիստների վկայության, ծածկված լինելով հողի լիցքով, հայտնաբերվել էր 1982 թ. հողաշինական աշխատանքների ընթացքում և իրենց կողմից ուղղահայաց կանգնեցվել մայր հողում։ Լիցքի մնացած մասի, ինչպես և տեղանքի զբննումից այլ նյութեր չհայտնաբերեցինք, ինչը և թույլ շտվեց հստակեցնել մ.թ.ա. II—I հազ. թվագրվող այսօրինակ կոթողների ժամանակագրությունը<sup>1</sup>։

Ուղղանկյունաձև, կոպտատաշ այս կոթողի (բարձր.՝ հողի մակերևույթից 175 սմ, լայն.՝ 60 սմ) վերին մասում երինջի գլխի նմանությամբ բարձրաքանդակն է. հստակ արտահայտված են ականջները, աչքերը, ռնգները և բերանից հոսող, օձագալար տեսք ունեցող եռաշար ջրաշիթերը։ Գլխի երկու կողմերից, անմիջապես կոթողի եզրերից կախված են կենդանու առջևի, երկնդանի փերջույթները։ Ավելի վաղ նման մի կոթող Նղեգնաձոր էր բերվել Սուլեմի լեռնանցքից և կանգնեցվել քաղաքային այգում։ Անհամեմատ նուրբ, կատարյալ և բծախնդիր աշխատանքի արդյունք (այս հանգամանքը հավանաբար մատնանշում է կոթողի երիտասարդ տարիքը) այս կոթողի (բարձր.՝ 2,7 մ, լայն.՝ 1,1 մ) վերին մասում նույնպես ցլագլուխ բարձրաքանդակն է, պարզ արտահայտված են ականջները, ռնգները, բերանից հոսող ջրի եռաշար շիթերը և զալարաձև եղջյուրները, որոնք բնորոշ են խոյին, թերևս գոմեշին։ Այս մանրամասները քանդակին միաձուլվ կենդանու գլխի տեսք են հաղորդում։ Նորույթ է ականջների միջև, գլխի կենտրոնից կոթողի եզրին միացող սեպաձև բարձրաքանդակը։ Կենդանու առջևի վերջույթները չեն պատկերված։

Բազմիցս անդրադառնալով «վիշապաքարեր» կոշված այսօրինակ կոթողների ուսումնասիրությանը՝ հետազոտողները տարբեր կարծիքներ են արտահայտել։ Այսպես, 1885—1906 թթ. Ատրպետի ձկնակերպ ու ցլագլուխ կոթողների հայտնաբերելով Արագածի գագաթի Կաղնեֆեր լճակի, Սևանի հարավակողմի լեռնաշղթայի ճահճուտներում ու ավազուտներում, Զիարեթ ու Հովտակ (Այդր) լճակի ափերին, ինչպես և Սրբահան ու Օրգոյ գետերի ակունքներում, այն կարծիքը հայտնեց, թե հնարավոր է, որ դրանք կապված լինեն մայր դիցուհու՝ Անահիտի պաշտամունքին և հիշեցնում են արքա-շումերական էա դիցուհուն և Օաննես ծովագնացին<sup>2</sup>։ Այս հայտնազոտությունների արդյունքները, որոնցից պարզ դարձավ, թե ուսումնասիրողները Գեղամա լեռներում հայտնաբերել են ժամանակին հողի լիցքով ծածկված ձկնակերպ ու ցլագլուխ 23 նման կոթողներ։ Ձկնակերպ կոթողները «վիշապներ» անվանելով՝ հետազոտողները այն կարծիքն արտահայտեցին, թե

<sup>1</sup> Ուշադրություն է դրվում ձկնակերպ կոթողների որոշ նմուշների աչքերի ձևը (կոնկավոր շրջան)։ Այս զարդը բնորոշ է միջին բրոնզեդարյան գոնապաղ խեցանոթներին, իսկ ցլակերպ քանդակները հայտնի են մ.թ.ա. III հազ.։

<sup>2</sup> Ա տ ր պ ե տ, Ժորոխի ավազանը, Վիլնյա, 1926, էջ 38—62։

դրանք ջրի պաշտամունքին են առնչվել: Ընդ որում, Ն. Մառը, շեշտելով՝ անծանոթ մի նոր աշխարհ բացահայտող այսօրինակ կոթողների որոնումների անհրաժեշտությունը, ապացուցելով սկզբնապես դրանց ուղղահայաց դիրքով կանգնեցված լինելու, ինչպես և ծիսական զոհաբերությանն առնչվելու հանգամանքը, որի արձագանքները պահպանվել էին մեր օրերում, հավանական համարեց դրանց՝ ցեղային տոտեմներ լինելն ու Դադոն աստծու պաշտամունքին առնչվելը: Ինչ վերաբերում է Յա. Սմիռնովին, ապա նա, մատնանշելով վիշապի մեծ օձ կամ հսկա ձուկ իմաստն արտահայտելու հանգամանքը, այդ կոթողները կապեց «վիշապաբաղ Վահագնի» պաշտամունքին՝ անտեսելով, սակայն, որ. «Ումանք զարեգակն պաշտեցին, և Վահագն կոչեցին...»<sup>4</sup> ու ընդունելով, որ Վահունիները, «...դտնելով Հերակլեսի արձանը...», իրենց նախնի Վահագնի համարեցին»<sup>5</sup>, մերժեց այդ կոթողները աստվածության կուռք դիտելը: Դա, մեր կարծիքով, սխալ է: Հեռավորում նման կոթողներ հայտնաբերվեցին և արվաբերում, ինչը և նոր խթան դարձավ դրանց հետազոտման համար: Այսպես, Բ. Պիոտրովսկին, դժգոհելով դրանց տարածման սահմանները (Հայկական լեռնաշխարհ), հանդես գալիս կարծիքի, թե դրանք կապված են ոռոգման հետ և որ վիշապները, լինելով հարստության, ջրի ու բերրիության, սկզբնապես բարի աստվածություն, բրիստոնության, ընդունումից հետո միայն փոխարկվեցին չար ուժերի: Դրանք սկզբնապես լեռներում դտնվող ակունքների և ջրավազանների պահպաններ են համարվել: Համաձայնելով, որ այդ կոթողները ջրի և ոռոգման աստվածություններ են, Մ. Աբեղյանը քննադատեց վերոհիշյալ հեղինակներին, դտնելով, թե նրանք, չապացուցելով վիշապ-դեմոնի՝ պտղաբերության և ջրի հովանավոր լինելը, իրենց եզրակացությունները բխեցրել են պայմանականորեն բնդունված «վիշապ» բառից: Հետևաբար, այն պընդունելով, թե վիշապին զոհաբերություն են կատարել կալերում, թե վիշապը բրիստոնության ազդեցությամբ է չար ուժի փոխարկվել և, կապված լինելով ձկան հետ, աղբյուրների հովանավոր է եղել, ոչնչով չհիմնավորված եզրակացություններ ու հայտարարություններ են սոսկ: Մ. Աբեղյանը կարծում է, որ այդ կոթողները առնչվել են այնպիսի աստվածության, որը, ձկնա-

3 Փյունիկացիների Դադոնը (ուղարիտա-աբբադական Դադանը) նշանակում է ն՝ հասկ, ն՝ ձուկ, ըստ այդմ էլ ենթադրվում է, թե անհղի է երկրադործությունը կամ ձկնորսությունը հովանավորող աստված (ձկնորսությանը վերաբերող կարծիքը մենք չենք ընդունում, որը կհիմնավորենք շարադրանքում): Սկզբնապես առնչվել է պտղաբերության և փոթորկի աստված Բաալին, Դադոնը քանանցիների պատերազմի, հաղթանակի դերադույն աստվածն էր, իսկ Բեթ-Շան քաղաքում (Նյուս. Պաղեստին) աշն կապված էր Աստարտի հետ: Դադոնի կինը Եաբա աստվածուհին էր, ուր Աստուստանում Ադադ աստծո կինն էր դիտվում (Տե՛ս Աпофис народов мира, т. I, М., 1980, с. 346. Այդուհանդերձ, որքան արական, նույնքան իգական երկսեռ Դադոնը վիշապածուկն է, կետը, լեռնաբանը (տե՛ս նոր բառգիրք հայկազնան լեզուի (այսուհետև՝ ՆԶԻ), հ. Բ., Ե., 1981, էջ 824):

4 ՆԶԻ, հ. Բ., էջ 771.

5 Մ ո վ ս կ ու խ ո թ լ ն ա ջ ի, Հայոց պատմություն (Ներած. և ծանոթություն. Ս. Մալխասյանի), Ե., 1981, էջ 160.

6 Н. Я. Марр и Я. И. Смирнов, Вншапы (Труды государственной академии истории материальной культуры, 1931, т. I, с. 61—104). Ձևի և մահականացու Ալքամեի մերձեցումից ծնված դյուցազն Հերակլեսը (ինչ իմաստով, որ ընդունում է Յա. Սմիռնովը), որ ինքնությունը իմանալով հանդերձ, իր իսկ խոստովանությամբ շահաբաժնկվելով իրեն երկնաբաններին հավասար համարել, ծովաճրճին սպանեց Տրոյայի թագավոր Լաոմեդոնի դստերը՝ Հեթիոնին փրկելու համար, իսկ Վահագնը գերադույն աստվածություններից էր, որի ծննդի ժամանակ երկիրն ու երկինքն էին երկնում (Մ ո վ ս կ ու խ ո թ լ ն ա ջ ի, ՆԶԻ, էջ 144):

7 Б. Б. Пиотровский, Вншапы-каменные статуи в горах Армении, Л., 1939, с. 6—38.

կերպ լինելով, առնչվել է թուշունների ու երինջների հետ: Այդ աստվածություններ, հեղինակի կարծիքով, Իշտարն է, Դերկեսոն, Աստարտեն, Ափրոդիտեն, Աստղիկ-Անահիտը: Այդ կոթողները, կարծում է հեղինակը, դրվել են ջրի ակունքների մոտ երաշտ տարիներին՝ իբրև յուրատեսակ սցասման խաչեր», ինչը և դրանց տարբերակներով հանդես գալու պատճառն է<sup>8</sup>:

Մ. Աբեղյանի և վերոհիշյալ մյուս հեղինակների կարծիքը չի բաժանում Գր. Ղափանցյանը: Նկատելով, որ սոսկ սիրո և գեղեցկության աստվածուհի Աստղիկը, որի պաշտամունքը միայն Տարոնում էր տարածված, ամենևին կապ չունի ցուլի, արագիլի, ձկան և օձի հետ, նա ավելի հավանական է համարում այդ կոթողներին՝ հատիկի աստվածություն (օր., Օսիրիս, Քամմուդ) լինելը, որի կապը գարնան և ջրի հետ ակնհայտ է: Գր. Ղափանցյանը կարծում է, որ այդ գծերը բնորոշ են Արա Գեղեցիկին, որի կերպարում խտացված են ջրին և ցանքսին առնչվող պատկերացումները: Վերջիններս էլ արտացոլված են կոթողների երկու տեսակներում (ջուրը՝ ձկան, ցուլը՝ դարնան ու ցանքսի, իսկ արագիլները՝ գարնան և պտղաբերության), Հեղինակի կարծիքով այդ կոթողները երևան են եկել մ. թ. ա. XVIII—XVII դդ.<sup>9</sup>:

Գր. Ղափանցյանի կարծիքը չի ընդունում Բ. Առաքելյանը: Կոթողները թվագրելով մ. թ. ա. XVII—XVI դդ. և համաձայնելով, որ դրանք արտացոլում են բնության զարթոնքին, բուսականությանը, ջրին, երկրագործությանը և արգասավորմանը աղերսվող պատկերացումները՝ նա կարծում է, որ դրանք չեն կարող այդքան վաղ արտացոլվել Արա Գեղեցիկի կերպարում: Այդուհանդերձ, հեղինակը ձեռնպահ է մնում եղած կարծիքներին որևէ լրացում կատարելուց և կամ նոր կարծիք արտահայտելուց՝ նշելով, թե դա հետագայի խնդիր է<sup>10</sup>: Անմիջապես ավելացնենք, որ «...առանց որևէ մեկնության և նախնական դիտողության նպատակի» Լ. Բարսեղյանը, Ժ. Խաչատրյանը և Ա. Քալանթարյանը, որոնք Գեղամա լեռներից և Արագածից հայտնաբերել էին հինգ նոր կոթողներ, հանդես եկան հոգևածով<sup>11</sup>, իսկ Ս. Սալյանն ու Ա. Շահինյանը բավարարվեցին նախորդ հետազոտողների կարծիքների ամփոփ հիշատակմամբ՝ համաձայնելով, որ կոթողներն արտացոլում են ջրի, պտղաբերության պաշտամունքն ու բնության հակամարտող ուժերին առնչվող պատկերացումներ<sup>12</sup>:

Միանգամայն այլ է Աս. Մնացականյանի դիրքորոշումը: Համաձայնելով Մ. Աբեղյանի՝ կոթողները յուրօրինակ սցասման խաչեր» լինելու մրտքին, որոնցով մարդիկ ցանկացել են կանխել բնական պատուհասները, հեղինակը նշում է, որ բարի հանդիսացող ձուկը ջրի խորհրդանշն է, որը կյանքի հիմքն է, և հետևաբար այդ կոթողները կապվում են թե՛ Աստղիկի և թե՛ ցուլի կերպարով հանդես եկող Արա Գեղեցիկի (=Վահագնի) հետ, որը շարահալած լինելով, խտացնում է գարնան, պտղավորող ուժի, բնության զարթոնքի գաղափարները, որոնք վերջին հաշվով հանգում են Քարի և շար ուժերի միջև տեղի ունեցող վիշապամարտի դիցաբանությանը<sup>13</sup>:

8 Մ. Աբեղյան, «Վիշապներ» կոչված կոթողներն իրեն Աստղիկ-Դերկեսոն դիցություն արձաններ, Երևան, հ. է, Ե., 1975, էջ 151—167:

9 Գր. Ղափանցյան, Արա Գեղեցիկի պաշտամունքը, Ե., 1944, էջ 136—152:

10 Բ. Н. Аракелян, Урартская клинообразная надпись из Гарни (Պատմա-բանասիրական հանդես (այսուհետև՝ ՊՐՀ), 1966, № 2, էջ 290—293:

11 Լ. Ա. Բարսեղյան, Ժ. Դ. Խաչատրյան, Ա. Ա. Քալանթարյան, Նորահայտ պաշտամունքային կոթողներ Գեղամա լեռներից [ՀՍՍՌ ԳԱ Տեղեկագիր, (հաս. գիտ.), 1964, № 8, էջ 85—88]:

12 Ա. Ն. Շահինյան, Վառց ձուրի վիշապ-կոթողները (ՊՐՀ, 1976, № 1, էջ 286—289); С. А. Есаян, Скульптура древней Армении, Е., 1980, с. 19—21:

13 Աս. Մնացականյան, «Վիշապ» քարակոթողների և վիշապամարտի դիցաբանության մասին [ՀՍՍՌ ԳԱ Տեղեկագիր (հաս. գիտ.), 1952, № 5, էջ 88—93]:

Այլ է է. հանգագանի տեսակետը: Ձուկը, եզն ու օձը լուսնի խորհրդանշներ համարելով՝ նա կարծում է, որ սկզբնապես դրանք կապվել են մայր աստվածությանը և հետագայում միայն, երկրագործության ու անասնապահության պարզացմանը ղուդընթաց, առնչվել են հայր աստվածությանը: Հեղինակի խոսքերով. «Վիշապ կոթողները... հավանաբար մ. թ. ա. V—IV հազ. ինքնակապակցվել են միայն ձկան տեսքով... զարգացման հաջորդ փուլում է, որ ձկնակերպ կոթողների վրա պատկերվում է եզան գլուխը»: Երկրորդ փուլում է, որ դրանք առնչվել են Վիշապաբաղ Վահագնին: Այդ կոթողների միջոցով մարդը ջուր, պտղաբերություն և վերածնունդ է աղերսել<sup>14</sup>:

Կոթողների տարերքի և պտղաբերության հետ են կապում նաև Հ. Մարտիրոսյանն ու Հ. Իսրայելյանը՝ նշելով, որ հնում վիշապը ընկալվել է իբրև ամպրոպ, որոտ ու կայծակ, ոտը պատկերվում էր ցլի, ձկան, օձի կերպարներով<sup>15</sup>: Կրկին անդրադառնալով այս հարցին՝ Հ. Իսրայելյանը այդ կոթողների մեջ տեսավ նաև տիեզերքի երեք տարրերի գաղափարը, նշելով, թե քանդակված կենդանիները մարմնավորում են երկինքը, երկիրն ու ջուրը (ձուկը՝ օվկիանոս, ցուլը՝ երկինք, ամպրոպ, որոտ), որոնցից ջուրը ուրույն մի հիմք է, ակունք՝ մնացած ցուրտ պատկերներին<sup>16</sup>:

Համակարծիք լինելով ջրի, բերրիության, բնության զարթոնքի, տարերքի հետ կապված լինելու մտքին՝ հետազոտողները հիմնականում ուշագործությունը բեռնել են առասպելների վրա և, առանձնապես շփանդանալով ձուկ, ցուլ իմաստի բացահայտմանը<sup>17</sup>, հակադրվում են կոթողների՝ ա) անվան, բ) անձնավորման որոշակիության (աստված, աստվածուհի, դուրսացան) և գ) տարատեսակության պատճառի (երաշտ, տարբեր գործառույթ, աստիճանական զարգացում) հարցերի շուրջ:

Պատշաճ հատուցելով կատարված աշխատանքներին՝ փորձենք ընդհանուր գծերով պատասխանել վերոհիշյալ հարցերին, պարզել կոթողների նշանակությունը, չհավակնելով հարցին սպառել պատասխան տալուն:

Քննադատելով բաղմաստվածությունն ու նրա հետևորդներին՝ Եզնիկ Կողբացին գրում է. «Եվ ինքնագոյի ու մշտնջենականի հետ ինչպես պիտի երկրպագվեն... արեգակը, լուսինը, աստղերը, կրակը, ջուրը, հողը, որոնք մոգերի ու հեթանոսների կողմից պաշտվում են»<sup>18</sup>: Հարցի պատասխանը տալիս է ինքը՝ Ե. Կողբացին: Նա գրում է. «...ամեն ինչ ղեկավարվում է Արեգակով և լուսնով և գետնի վրա գտնվածներից ոչ մի բան նրանց ենթակայությունից դուրս չէ» և ապա՝ «Քաղղեացիները լուսատուների և համաստեղությունների վրա նայելով որպես արարիչների, նրանց աստվածներ համարեցին... որ աստղերը ոչ միայն բախտավորություն ու թշվառություն են

14 է. Վ. Խաչատրյան, Գտնի 4-րդ, Ե., 1969, էջ 139—161:

15 Հ. Ա. Մարտիրոսյան, Հ. Ի. Իսրայելյան, Գեղամա լեռների ժայռապատկերները, Ե., 1971, էջ 11—12, 36:

16 Հ. Ի. Իսրայելյան, Պաշտամունքն ու հավատալիքը ուշ բրոնզեդարյան Հայաստանում, Ե., 1978, էջ 31—33:

17 Բացառություն է կաղմում Ա. Պետրոսյանի դիտողությունը, համաձայն որի, «Հետաքրքիր է վիշապների վրա պատկերված կենդանիների (ձուկ, խոյ, ցուլ, երկու արագիլներ) հնարավոր կապը կենդանակերպի Ձկնկ, Խոյ, Ցուլ, Երկվորյակներ (հնարավոր է, հիմնական առասպելի խորհրդանշները) համաստեղությունների հաջորդականության հետ... Վիշապաբարերի բաղմաստվածությունը կարելի է բացատրել նրանով, որ դրանք, հավանաբար աստվածությունների պաշտամունքի որոշիչ հատկանիշներ են: Հեղինակը չի բացառում նաև ժամանակագրական տարբերությունները: А. Петросян, Отражение индоевропейского корня uel—в армянской мифологии (ՀՍՍՀ ԳԱ կրթության հասարակական գիտությունների, 1987, № 1, էջ 63, ծան. 58)]:

18 Եզնիկ Կողբացի, Եղծ աղանդոց (Թարգմ., Ներած., ծանոթ. Ա. Ա. Աբրահամյանի), Ե., 1970, էջ 94:

տալիս, այլև՝ կյանքը որոշակի թվով (տարիքով) են տալիս... և մարդկանց վարք ու բարքը, կամքը և գործերը... կապում են աստղերի հետ»<sup>19</sup>։ Որքանով խոսքը վերաբերում է կյանքին, պտղաբերությանը, բարեկեցությանը և այլն, Արեգակի, Լուսնի, հող ու ջրի պաշտամունքի պատճառը տրամաբանված, բնական ու հասկանալի է թվում, ինչը չի կարելի ասել աստղերի պաշտամունքի պատճառաբանվածության վերաբերյալ։ Իրոք, մի՞թե աստղերը աստվածացնելու միակ պատճառը աստղագիտական է, որի համար և աղոթեցին զրանց խրթն աստվածների։ Աստվածի լավագույն ապացույցը շումերա-աքքադական «Մեծ աստվածների գիշերի» աղոթքն է։ Այն ցույց է տալիս, թե այդ աստվածներն են Բոցեղեն Գիբիրը, Մեծաղոր էռան, Աղեղն ու Լուծը, Խաշն ու Վիշապը, Ձիակառքը, Այծը, Խոյը և Օձը<sup>20</sup>։ Թվարկված անվանումներից տեսնում ենք. որ հենք, «աստղեր» ասելով համաստեղություններն են նկատի ունեցել, որոնցից մի քանիսի անվանումները անփոփոխ են մնացել, մյուսները փոխարինվել են հունա-հռոմեականներով։

Կարծում ենք, որ աստղերի՝ տնտեսության համար (կյանք, պտղաբերություն, բարեկեցություն) ունեցած նշանակությունը, դրանք աստվածացնելու սկզբնապատճառն է եղել։ Դրա լավագույն ապացույցը երկնակամարը աստղատների բաժանելու փաստն է։ Վերջիններս անվանումները, որոնց շուրջ հյուսվել են առասպելներ, կամային են ու երևակայական։ Ընդգծենք այն երկնատային դրույթը, որ «մեռնող ու վերածնվող բնության», բնականաբար և «մեռնող ու հառնող եղանակների» հետ կապված պատկերացումները սերտաճած են աստեղատան շրջապատությամբ, արեգակնածիրին կամ խավարածիրին, ինչը և լավագույնս էր դիտված նախնաց կողմից։ Հակառակ դեպքում երկնակամարը աստղատների բաժանելու փաստը կորցնում է իր ողջ իմաստը, ավելի ճիշտ, առաջնային նշանակություն են ձեռք բերում աստղագիտական ու առասպելաբանությունը, որ համոզիչ չէ։ Երկնակամարը աստղատների բաժանելը անհրաժեշտություն էր, հարկադրական քայլ, առանց որի անհնար է պատկերացնել երկրագործական աշխատանքների հաջողությունը, որոնցով էլ պայմանավորված էր մարդկանց բարեկեցությունը։ Իրոք, կենդանակերպի որևէ աստղատան անվանումի ներքո հասկանում ենք երկնակամարի մի որոշակի հատված, որտեղ Արեգակը գտնվում է որոշակի ժամանակաշրջանում։ Հետևաբար, տարվա յուրաքանչյուր եղանակ կապված է երկնակամարի որոշակի հատվածում (= համաստեղությունում) Արեգակի գտնվելու ժամանակի հետ. աստղատների բաժանման հիմնական պատճառը այս էր։ Պատահական չէ, որ Սզնիկ Կողբացին գրում է. «Արդ՝ եթե որոշ աստղեր կամ տաքերի կամ ցրտեղի նշաններ են լինում, ոչ թե որպես ինչ-որ էնեդանիներ (այս և հետագա ընդգծումները մերն են—Օ. Խ.) են լինում...»<sup>21</sup>։ Համաձայն Անանիա Շիրակացու, փետրվարի 17-ին Արեգակը մտնում է Ձկներ, մարտի 20-ին՝ Խոյ, ապրիլի 21-ին՝ Յուլ համաստեղությունները<sup>22</sup>։

Համեմատելով աստղատներից յուրաքանչյուրում Արեգակի գտնվելու ժամանակը (այսինքն, առաջին պլանում է արեգակ + համաստեղություն զաղափարը)՝ նկատում ենք, որ ներկա տեսքը չի համընկնում Անանիա Շիրակացու լիտարկումներին. ակնհայտ է ոչ միայն օրերի որոշակի անհամապատասխանություն, այլ որ կարևորն է՝ զարնան սկզբի և ավարտի փոփոխություն։ Բ. Թումանյանի խոսքերով. «Մի ժամանակ մարտին այն (Արեգակը—Օ. Խ.) լինում էր Խոյում, ապրիլին՝ Յուլում։ Ընդունված է նաև, որ

<sup>19</sup> Անանիա Շիրակացու, Մատենադարան (Ուղղմ., ծանոթ., առաջադրանք) Ա. Գ. Արրահամյանի և Գ. Բ. Պետրոսյանի, Ե., 1979, էջ 79, 117։ Եղնիկ Կողբացի, Նշվ., աշխ., էջ 105—108։

<sup>20</sup> Հին Արեգի արեղիա, Ե., 1982, էջ 94—95։

<sup>21</sup> Եղնիկ Կողբացի, Նշվ., աշխ., էջ 189։

<sup>22</sup> Անանիա Շիրակացու, Նշվ., աշխ., էջ 250—253։

գարնանային գիշերահավասարի օրը Արեգակը մտնում է ոչ թե՛ հոյ, այլ Ձրկ-  
ներ համաստեղությունը<sup>23</sup>։ Ըստ այգմ էլ, ներկայումս գարունը ընդգրկում  
է ոչ թե հոյ, հուլ, Եկվորյակներ, այլ՝ Ձկներ, հոյ, Յուլ համաստեղությու-  
ններու Վերջիններից Ձուկ համաստեղությունը հանդես է գալիս երկակի՝ անց-  
նող տարվա եղրափակիչ և նոր տարվա սկիզբն ավետող ժամանակի (փե-  
տրվարի 17—մարտի 20-ը՝ Ա. Շիրակացու և փետրվարի 21—մարտի 20-ը՝  
մեր օրերում) համաստեղություն։ Նշված ժամանակահատվածից փետրվար-  
յան օրերին, մասամբ՝ մարտի սկզբին շարունակվում են սառնամանիքները,  
թերես առավել սաստկությամբ, քան ձմռանը, իսկ մարտի հաջորդ օրերին  
սկսվում են այնպիսի եղանակներ, որոնք հիշավի արդարացնում են ժողո-  
վորդի կողմից մարտին տրված «գիծ ամսվա» բնորոշումը։ Պատկերավոր ար-  
տահայտվելու՝ դեպքում՝ հակառակվելով մոտալուտ գարնանը, ձմեռը հեշտ  
չի դիջում իր իշխանությունը, այլ կերպ ասած, պատերազմ է սկսվում  
Ձկան և հոյ + Յուլի միջև (հետաքրքիր է, որ մ. թ. ա. III հազ. բնորոշ խո-  
յաձև զարգերն ու քանդակները հանդիպում են և հետագա դարաշրջաննե-  
րում)։ Այս տեսակետից անշափ կարևոր նշանակություն են ստանում Ե. Կող-  
րացու այն խոսքերը, որոնցից երևում է, թե հեթանոսները սատանային օգը  
շարժելու ու փոփոխելու իշխանություն ունեցող էություն են համարել, որի  
համար և «նրան այս օգի իշխան է կոչում...», որք օգը մերթ անձրևների,  
մերթ ձյան, մերթ կարկուտի...»<sup>24</sup> է փոխում։ Ինչպես տեսնում ենք, տրված  
բնորոշումը միանգամայն համապատասխանում է մարտին, որի տիրակալը  
Ձուկ համաստեղությունն էր<sup>25</sup>։ Հետևաբար, Ձուկը օգը շարժելու և փոփոխե-  
լու իշխանություն ունեւ։ Բնական է, որ «...Ջիշխանս ի ջուրս Լեկաթան ար-  
քայ ասեն», իսկ Լեկաթանը երրայեքեն վիշապաձուկն է թարգմանվում<sup>26</sup>,  
այլաբանությամբ՝ Սատանայ<sup>27</sup>, որը «եբրայեցւոց բառիցն՝ հակառակ թարգ-  
մանի, և ամենայն՝ որ բարւոյ հակառակ կայ...»<sup>28</sup>։ Եթե նկատի ունենանք,  
որ «Գիրքը վիշապ է կոչում խոշորամարմին օձը կամ ծովածին որևէ գա-  
զան... նկատի ունեւ կետերը և դելֆինները»<sup>29</sup> և «Օձը, որ սատանա եք ան-  
վանում» նախադասությունները, ապա կստացվի ձուկ = օձ — վիշապ — սա-  
տանա նույնությունը։ Հետևաբար, կոթողների «վիշապաբար» անվանումը  
այս իմաստով սխալ չէ։ Վերջինս, սակայն կարող է թյուրիմացությունների  
տեղիք տալ, նույնացվելով մեկ դեպքում «կետի», մյուսում՝ Մեծ և Փոքր  
Արջերի (= Սայլի) միջև ձգվող «Վիշապ» համաստեղության հետ, որի հա-  
րկանությամբ և տարածվում է Հերակլեսի համաստեղությունը։ Երկրագոր-  
ծական աշխատանքների համար առանձին նշանակություն չունեցող, թույլ  
լուսավորության պատգեբից կազմված «Վիշապ» համաստեղությունը թերևս  
ուղեորների համար որոշակի հետաքրքրություն ներկայացներ այն իմաս-  
տով, որ նրա α աստղը (Տուբան) մ. թ. ա. III հազ. հյուսիսային բևեռա-  
ցույց էր հանդիսանում։ Այս հանգամանքը, սակայն, հազիվ թե երկրագոր-  
ծի համար կարևորագույն նշանակություն ունենար և նրան հարկադրե-  
ր հավասարության նշան դնել Վահագնի և դյուցազն Հերակլեսի միջև։ Ասվա-  
ծին ավելացնենք ժամանակաշրջանների անհամապատասխանությունները և  
կհամոզվենք «Վիշապ» համաստեղության առանձին նշանակություն չունե-  
նալու մեջ։ Հետևաբար, Վահագն = Հերակլես նույնացումը արտաքին, ձևա-  
կան բնույթ ունեւ, որը, հելլենիզմի հատկանշական գծերից մեկը լինելով,

23 Բ. Ե. Թ ու մ ա ն յ ա ն, Տոմարի պատմություն, Ե., 1972, էջ 11։

24 Ե ղ ն ի կ Կ ո ղ ր ա ջ ի, Նշվ. աշխ., էջ 135—136։

25 Համաձայն Ն. Յա. Մառի գիտարկումների, ձկնակերպ կոթողների մի մասը լոբոյի, մյուսները՝ շանարի նմանություն ունեն։ Այս հետաքրքիր երևույթի պատճառը մեզ պարզ չէ։

26 ՆՁԲ, հ. Ա, Ե., 1979, էջ 884։

27 ՆՁԲ, հ. Բ, էջ 823—824։

28 ՆՁԲ, հ. Բ, էջ 698։

29 Ե ղ ն ի կ Կ ո ղ ր ա ջ ի, Նշվ. աշխ., էջ 50, 80։

բնորոշվում է արևելյան հին անուններն ու ավանդությունները հունաց դիցաբանության ավանդությունների, աստվածների ու դուրեցազների հետ խառնելով, համեմատելով ու նույնացնելով: Այսպիսով, եթե խոսքը վերաբերում է համաստեղությանն ու եղանակներին, ապա թյուրիմացություններից խուսափելու նպատակով, կարծում ենք, ճիշտ կլինի «վիշապաքար» անվանումը փոխել «ձկնակերպ կոթող» անվամբ:

Այն հանգամանքը, որ այդ կոթողները իրոք կապված են Ձուկ համաստեղության հետ, հաստատվում է և այլ փաստերով: Տվյալ դեպքում նկատի ունենք. «Իսկ աթոռն կամ բարձրությունը մոլորակացն են. նույն՝ Արեգական, Ցուլն՝ Լուսնոյն, ...Ձուկն՝ Լուսաբերին...»<sup>80</sup>: Իսկ Լուսաբերը, որը «Տուն Արամաղդայ և Սևազկայ մեծարեին...», ինչպես և «Արուսէակ... մոլորակ լուսափայլ» նախընթաց արեգական ծագելոյ, որ և լուսաբեր, այգեբեր, աստղ առաւօտս, իսկ երևիլն նախքան ըզմուտս արևու՝ կոշի Գիշերավար, և Երեկ. Բաշփաշ, ֆաշփաշ, Lucifer Արուսէակն զվեց ամիս արուսէակ է, և զվեց ամիս գիշերավար, նմանությամբ՝ Սատանայ (զիարդ անկաւ յերկնից Արուսէակն, որ ընդ առաւօտին ծագեր)»<sup>81</sup> և ապա՝ «Լուսաբեր... զոր ոմանք Ափրոդիտեայ, և այլք էրայ անուանեն»<sup>82</sup> նախադասությունները ավելացնելով, կունենանք ամուր կուլաններ՝ որոշակի հետևությունների հանգելու հստակ: Իրոք, այս նախադասությունները ցույց են տալիս, որ «Ձուկ» համաստեղությանը վերագրվող երկակի իմաստը առավել է շեշտվել Արուսայակի վերաբերյալ պատկերացումներով: Վերջինիս լուսաբեր և գիշերավար հաւել/սաւելը, երկրակենտրոն պատկերացումներով առաջնորդվող նախնյաց պատկերացումներում, բնականաբար, պետք է, որ հանգեր Արուսայակի (= Ինաննա և այլն) գետնի տակ անհետանալու (հմտ. Ինաննայի և այլոց գետնի ընդերքը գնալու հանգամանքը և այլն) մտայնությանը, և «զիարդ անկաւ յերկնից Արուսէակն» հեգնական հարցը պատահական չէ: Տվյալ դեպքում, սակայն, կարևորը նախնյաց համոզվածությունն է Արուսայակի (= Ձուկ)՝ երկրի տակն անցնելու վերաբերյալ: Բնական է, ուրեմն, որ երկրաշարժն ընկալվել է իբրև վեց ամսում մեկ պտույտ գործող Լեիաքան-Լեկեռն հսկա ձկան շարժման հետևանք<sup>83</sup>, Այլ տարբերակում «գետնի տակը» կամ տիեզերական ծառի արմատի մասը, Ամպրոպալիսից պարտված օձի (= ձուկ = վիշապ = սատանա) տեղն է: Արուսայակն, այսպիսով, ինքը՝ Լուցիֆերն է, սատանան, ձուկը և այլն, որն ընկալվել է իբրև երկակի բնույթ ունեցող աստվածություն, որի կեսը Լուսաբեր է, մյուսը՝ գիշերավար: Մենք լիովին համաձայն ենք Ն. Ադոնցի այն կարծիքին, որ Արուսայակ-Անահիտ-Մեծ Մայրը երկսեռ է եղել<sup>84</sup>: Պատահական չէ, որ Դոմմուզի-Թամմուզից հետո ինքնակամ հեռանում է երկրի ընդերքը և ինքը՝ Ինաննա-Իշտարը: Նույն ճանապարհով է գնում և Արեսի (= Հրատ, Մարս) կնոջ՝ Ափրոդիտեի տարփածու, փյունիկացիներից (իսկ սրանք էլ բաբելոնցիներից) փոխառնված Ադոնիսը, որը, տարվա մի կեսին մնալով Հադեսում, վերածնվում է՝ իր հետ բերելով բնության զարթոնքը: Հայ իրականության մեջ այս առասպելի տարբերակը ինքնասպանությամբ կյանքին վերջ տված «ծովագնաց» Օննեսի և ապա Նինոսի կնոջ՝ հանրահայտ Շամիրամի (= Շամ-մուրամաթ-Սեմիրամիս) և Արա Գեղեցիկի պատմությունն է, որի քննությունից ելնելով՝ Ն. Ադոնցը դրում է. «...հայկական պատմի Ատիսը կրել է Արեսի անվան նման անուն...», որը մեզ տանում է հռչակավոր էրի ուղղությամբ և դեպի Արա Գեղեցիկը... հայոց էրը Ատիսի կրկնորդն է: Հայկական

80 Գրողուկ որ կոշի էֆլմերտե, «Ապրոն» հոստ., Ե., 1992, էջ 2:

81 ՆՁԲ, հ. Ա, էջ 320—374:

82 Նույն տեղում, էջ 896:

88 Ա. Ղանալյան, Ավանդապատում, Ե., 1969, էջ 129—130:

84 Ն. Ադոնց, Հայաստանի պատմություն, Ե., 1972, էջ 373—374:

էրի ավանդությունը քաջ հայտնի է: Նա պատերազմում սպանվում է, բայց տասներկուերորդ օրը հարություն է առնում...<sup>35</sup>

Ո՞րն է Արեսի՝ նման անվանումը: Սնշուշտ, դա Ափրոդիտեի ամուսին Արեսը չէ. Արեսը՝ Ջեսի ատելի որդին, համապատասխանում է հղջուրակիր ամուսնու իր դերին ու դիրքին, և այս տեսակետից Ա. Շիրակացու այն նախագասությունը, թե լուսնի «...զինակիցներն են Հրատը և լուսաբերը... լուսինը իդական կենդանատեսակներ ունի՝ հիշյալ երկու աստղերի ծագման գուգակցության պատճառով»<sup>36</sup>, պարզորոշ ցույց է տալիս, թե ինչու է հենց Արեսը ամուսնու տեղը զբաղեցրել: Այդ տարփածուն, ուրեմն, ուրիշն է հղել, և այս տեսակետից կարևորվում է ն. Ադոնցի այն միտքը, համաձայն որի. «IX դ. մի հեղինակ դրում է, որ լուսինը նվազ լուսավոր է, քան արևը, աստղը նվազ՝ քան լուսինը, իսկ Արան նվազ՝ քան լուցիճները: Սեմիրամիսի հակառակորդ Արան, ուրեմն, դիտված է որպես աստղ: Հայկական դիցարանությունն մեջ Արայի ու Հայկի նախնական իմաստը մնում է անորոշ»<sup>37</sup>: Ցավոք, այդ հեղինակը չի նշում Արա աստղի հունական կամ այլեզվյան անվանումը, և մեղ մնում է ենթադրել միայն, որ մեռնող ու վերակենդանացող Ատիսը<sup>38</sup>, Արան, ոչ այլ ոք է, քան նույն ինքը՝ լուսաբերը. «...զոր ոմա՛ք Ափրոդիտեայ և այլք է՛րայ անուանեն», որը և Ատիսի կրկնորդն է: Ասվածը ենթադրել է տալիս, որ հնում Աստղիկ-Արուսյակը ընկալվել է որպես երկու աստղ, որոնցից մեկը գիշերավար է, մյուսը՝ լուսաբեր, ցայգաստղ: Վերջինս նորածագ արևի շողերի մեջ ավելի աղոտ է երևում: Հետևաբար, սկզբնական Աստղիկ-Արուսյակն ընկալվել է ձկան տեսքով (= օձ, վիշապ=սատանա) երկսեռ մի աստվածություն, որի տնօրինության տակ էին գտնվում երկնային ջրերը: Նրա ողորմածությունից էր կախված մարդկանց ջուր տալը կամ չտալը: Այնքանով, որքանով երկնային ջրերը հոսում են Վիշապի (= ձուկ=օձ) պարտությունից հետո, դուրս է գալիս, որ այդ աստվածությունը բավական քմահաճ և ոչ այնքան բարի բնույթ է ունեցել, այլպես նա կամովին կտար ջուրը: Հետևաբար, ձկնակերպ կոթողների առկայությունը ջրավազանների մոտ պատահական չէ. նախնյաց պատկերացումների համաձայն, ինչպես որ երկնային ջրերը «Ձկներ» համաստեղության, այնպես էլ երկրային ջրերը ձկնակերպ կուռքերի՝ աստվածության տեղապահների տնօրինության և պահպանության տակ էին գտնվում: Իրոք, հետևելով ձկնակերպ ու միաձուլյ (ձուկ+ցուլ) կոթողների տեղադրությանը, նկատում ենք, որ դրանք գտնվում են միմիայն ջրավազանների մոտ (Իմիրգեկ, Դյուլ-յուրտ, Թոխմախան լիճ, Բզովանի յուրտ, ինչպես և Կազնեֆեր և Այդը լճեր, Սրբահան ու Օրգոթ գետերի ակունքներում, ըստ Ատրպետի): Այդ կուռքերի առջև ծիսական արարողություններ էին տեղի ունենում: Խնթերը այդ ծիսակատարությունները սկսում էին «անձրևների տունին», որոնք տեղի էին ունենում Ամպրոպի աստծո կուռքի առջև՝ շարունակվելով 38 օր: Այդտեղ թագավորը (նա Ամպրոպայինի տեղապահն էր երկրի վրա և վիշապասպանի մարմնավորողը) և թագուհին գինի էին հեղում

35 Նույն տեղում, էջ 373:

36 Ա ն ա ն ի ա Շ ի ր ա կ ա ց ի, նշվ. աշխ., էջ 118:

37 Ն. Ադոնց, նշվ. աշխ., էջ 380:

38 Նշելով, որ. «հայերի հայ ցեղանունը փորձ է արվել կապելու հնդկավրոպական «տեր, այր» բառի հետ», ինչպես և չեղտելով Ադոնիսի ու ամպրոպի աստծու անունների իմաստարանական նույնությունը (տեր, պարոն), Ա. Բ. Պետրոսյանը դրում է. «Բերված փաստերը կարող են ինչ-որ չափով հաստատել դրականության մեջ արտահայտված Հայկի և Ատիսի անունների աղակցության տեսակետը [Ա. Բ. Պետրոսյան, Հայկի և Բելի առասպելի վերլուծության փորձ (Հանրապետական դիտական նստաշրջան՝ նվիրված 1934—55 թթ. ազգադրական և բնագիտական դաշտային հետազոտությունների հանրագումարին, ղեկավարման ինստիտուտ, Ե., 1937, էջ 64—65)]»: Մեր կարծիքով, նման չեղտադրումը կարող է թյուրիմացություն տեղիք տալ՝ հավասարություն դնելով Հայկի ու Ատիսի միջև:

ու հաց կտրում, իսկ գերագույն քուրմը համապատասխան շարժումներով պատմում էր «Անհետացած աստծո» և «Ամպրոպի աստծո ու Օձի պայքարի» (Վիշապամարտի) պոստպեկները, որոնք համապատասխանում էին տոնի բնութիւնը։ Դրանցից մեկը ցույց էր տալիս, թե երկնային ջրերը հոսում են Օձի պարտությունից հետո, մյուսում պատկերվում էր բնության զարթոնքը, որը սկսվում էր Ամպրոպի աստծո որդի, մեռնող ու վերածնվող (քնող ու արթնացող) աստված (Ատտիս, Արա Գեղեցիկ և այլն) քնած Տեղեպիսիոսի արթնացմամբ ու վերադարձով։ Այս ծիսակատարության ժամանակ «Ամպրոպի աստծու մարդը» (քուրմը) Ամպրոպի աստծուն դիմում էր պատգամաբերի դերում հանդես եկող թռչնի միջոցով։ Այս տեսակետից ուշագրավ են կոթողներից երկուսի վրա (ըստ հրատարակված նյութերի) քանդակված արագիւնները, որոնց ժողովուրդը իրավամբ զարնան ավետաբեր է դիտում, և «Օձասպան արագիւ դու արդար»<sup>39</sup> դարձվածքը հազիվ թե պատահականություն համարվի։ Հետաքրքիր է, որ ծիսակատարության ժամանակ, իբրև պտղաբերության ապահովման խորհրդանիշ է օգտագործվել այժի կամ խոյի գեղմը<sup>40</sup>, Արդ, եթե տոնակատարությունները տևում էին 38 օր և «մի ժամանակ մարտին արեգակը լինում էր հոյում» (մինչև մարտի 20-ը այն «Ձկներ» համաստեղությունում էր) և պտղաբերության ապահովման խորհրդանիշը այժի կամ խոյի գեղմն էր, ապա հավանական է դառնում տոնակատարությունների սկիզբը մարտի 20-ին (արևը մտնում է «Խոյ» համաստեղություն), իսկ ավարտը՝ ապրիլի 27-ին (արևը գտնվում է «Յուլ» համաստեղությունում) համարելը։ Այդ ժամանակում զարունը վերջնականապես մանում է իր իրավունքների մեջ, այլաբանորեն՝ ձուկը (= օձ = վիշապ) պարտվում է ցուլի կողմից։ Պատահական չէ, որ Վահագնի մեհնատեղին, որ պաշտամունքի ութերորդ հոշակավոր վայրը լինելով, Մեծ Հայքի թագավորների զոհաբերության տեղն էր, գտնվում էր Քարքե լեռան լանջին, Եփրատ գետի վրա, Տավրոս լեռան դեմուղեմ (Փ. Բուդանդը օգտագործում է լեռան հայկական՝ «Յուլ» անվանումը)<sup>41</sup>, որը պաշտամունքի վայրերի բազմամարդ լինելու պատճառով Աշտիշատ էր անվանված։ Այստեղ էին դառնում ոչ միայն «Ոսկեհատ, Ոսկեմայր Անահիտի», այլև՝ «Աստղիկ դիցուն հու մեհյանը, սենյակ Վահագնի կոշված», որը Ափրոդիտես է»<sup>42</sup>, Վերջին նախադասությունը, լիովին համապատասխանելով «...Լուսինն ղԱրտեմիս (այսինքն, զԱնահիտ), և Արուսեակ ղԱստղիկ (այսինքն՝ ղԱփրոդիտես)» բացատրությանը<sup>43</sup>, տարակուսելի է դարձնում Ա. Շիրակացու աշխատության այն հատվածը, որտեղ նշված է, թե Ափրոդիտեսը = Վեներային = Լուսաբերին = Անահիտին<sup>44</sup>, Կասկածել, սակայն, Ա. Շիրակացուն անվանումների, բնականաբար և Լուսնի ու Արուսյակի միջև հավասարություն զննելու մեջ, մեղմ ասած, անհեթեթություն է։ Անտարակույս, Լուսինն ու Լուսաբերը չէին նույնացնում և հենց։ Հավանական է, որեմն, Ա. Գ. Արրահամյանի և Գ. Բ. Պետրոսյանի այն ենթադրությունը, թե տվյալ հատվածի առկայությունը Ա. Շիրակացու աշխատանքում հետագա ընդմիջարկության արդյունք է<sup>45</sup>, որը և ենթադրել է տալիս, թե զարգացման ընթացքում Արուսյակն ու օտարամուտ Անահիտը, ինչպես կտեսնենք և այլ անվանումների կապակցու-

39 ՆՁԲ, հ. Բ., էջ 1026.

40 В. Г. Ардзинба, Ритуалы и мифы древней Анатолии, М., 1982, с. 9—10, 83, 123.

41 Փ ա վ ա տ ո ս Բ ու դ ա ն դ, Պատմություն հայոց (Մարտի, Գեղած., ծանոթ). Ստ. Մալխասյանցի, Ե., 1968, էջ 90.

42 Ա դ ա Բ ա ն դ և դ ո ս, Պատմություն հայոց (Սարգս., Կերած., ծանոթ). Ա. Տեր-Ղևոնդյանի, Ե., 1977, էջ 130.

43 ՆՁԲ, հ. Բ., էջ 771.

44 ՏՆՍ Ա ն ա ն ի ա Շ ի ր ա կ ա ջ ի, նշվ. աշխ., էջ 116.

45 Նույն տեղում, էջ 343, ծան. 34.

թյամբ, համանման գծերի շնորհիվ իրոք որ նույնացվել են, ինչը և մատնանշվել է հետազոտողների կողմից: Այս միտքը փաստելու է գալիս. «Հայկանունն ղյուցտղնի, Օրիոն, աստեղատուն յերկինս, մերձ առ բազմաստեղս, առնթևեր ունենալով կամ առ ոտս ե գշուն. վասն որոյ և Հայկ առ քերթողս համարեալ է որպէս գործակից Անահիտոյ...»<sup>46</sup> նախադասությունը, որից երևում է, թե Աստղիկը Անահիտով է փոխարինված, իսկ Հայկը՝ Վահագնով: Ամենայն հավանականությամբ Աստղիկ-Անահիտը ևս, իր միջագետքյան բրոջ՝ Իսաննա-Իշտարի պես դիտվել է երկնքի սրբազան քրմուհի, որը երկրի վրա, տաճարներում իր տեղապահ քրմուհի-սպասուհիներն է ունեցել, որոնք զիցուհու օրինակով զբաղվում էին սրբազան անձնատվությամբ պանծալովոված սերնդադարունակությունն ապահովելու մտայնությամբ, բայց ոչ ամենեին դրա գոհճիկ իմաստով: Դրանով ասվում էր ամեն ինչ: Ձմռան և մոտարուտ գարնան «հակամարտությունը», որն ուղեկցվում էր ամպրոպներով, որոտով, կայծակով, քամիներով ու անձրևով, ավետելով երկար սպասված գարնան սկիզբը, առասպելում արտահայտվեց իբրև վիշապի (= ձուկ) և ցուլի կերպար ունեցող աստվածությունների (համաստեղությունների համապատասխան) պատերազմ: Հայկ-Օրիոնի կապը Յուլ համաստեղության պատահական չէ: Արդարացված է և Թեշուր-Թեյշեբայի (ամպրոպի աստվածը) մշտապես ցուլի վրա կանգնած պատկերվելու հանդամանքը: Բնականաբար, Շղնիկ Կողրացու այն խոսքերը, թե. «Յվ եթե այնպիսի վիշապը մեջտեղից վերցվի (ադա դա կլինի) ոչ թե եզ կոչվածներով...»<sup>47</sup> ցույց են տալիս, թե որքան կենսունակ են եղել դարերի խորքից եկող պատկերացումներն ու հավատալիքները, որոնց արձագանքները մեզ են հասել ի դեմս Շղիա Մարդարեի ու սբ Գևորգի: Ավելին, օձ-սատանա դալթսկդիլը անփոփոխ պահպանվեց Հին Կտակարանում, իսկ սիրո աստվածուհին իր տեղը գիշեց «խաբված» Եվային<sup>48</sup>, որի ամուսնու Արես և այլն անունը փոխարկվեց Ադամի: Այս անունների ետևում «վիշապամարտի» սկզբնական բովանդակությունը խիստ աղոտ է նշմարվում: Նախնայաց համար այն եղել է (մի, միակ, եղակի), ցուլը. «...այն է աստեղատունն ընդ Հայկ և ընդ բազմաստեղս եռանկիւնի ձեացեալ աստեղորք, որպես երևի և ճակատ ցլու հանդերձ կզակաւն»<sup>49</sup>, այսինքն՝ այն, ինչ և քանդակված է «ցլազուխ» կուռքերի վրա: Վերջիններիս կապը, սկզբնապես հայոց ամպրոպային աստվածություն Հայկի հետ, ակնհայտ է: Յավոք Հայկ ու Բելի բավական ձևափոխված ավանդության մեջ ոչինչ այլևս ուղղակիորեն չի հիշեցնում վիշապամարտը: Արական Բելը (աքքադերեն՝ «տեր»), որը ներմայթն է, շումերների էլիլը, բաբելոնցիների Մարդուկը, իրանական Արամազդը, որի մասին փաստում են Թովմա Արծրունին և Անանուն շարունակողը<sup>50</sup>, ոչինչ ընդհանրություն չունեն որևէ իգական աստվածության հետ, որը հուշեր, թե Հայկի հակառակորդը սկզբնապես կին է եղել: Այս տեսակետից կարևորվում է Թովմա Արծրունու պատմության այն դրվագը, որտեղ «Եղինակը, խոսելով Թիգլաթպալասար Գ-ի կողմից մ. թ. ա. 729 թ. Բաբելոնը գրավելու մասին, գրում է. «Նորոգեցին Բելից լքված թագավորական

46 ՆՁԲ, հ. Բ, էջ 31:

47 Եղնիկ Կողրացի, նշվ. աշխ., էջ 81:

48 Այս կապակցությամբ Լ. Արտահայտյանը գրում է. «...դալթսկդիլ օձը հաճախ պատկերված է Եվայի դեմքով: Եվայի անունը հավանաբար սկիզբ է առնում արամեական «օձ» բառից: Մեղսագործության սյուժեն... վերաբերում է առաջին երկվորյակների վերականգնված առասպելին. երկսեռ երկվորյակները մեղանշում են արյունապղծությամբ» (Լ. Արտահայտյան, Վիշապամարտը և առաջին դոհի գաղափարը, Հանուպետ. գիտ. նստաշրջ. թեզիսներ, Ե., 1984, էջ 3):

49 ՆՁԲ, հ. Ա, էջ 917:

50 Բ. Արծրունի և Անանուն, Պատմություն Արծրունյաց տան, Ե., 1978, էջ 44:

առաջին պալատը, ինչը Աստարտի տաճարն էր»<sup>51</sup>, ճիշտ է, սա շատ թույլ կովան է, բայց արդեն խոսում է Հայկ ու Բելի ավանդության մեջ փյունիկյան սիրո և պտղաբերության աստվածուհի Աստարտին (= Իշտար = Աստղիկ են), սկզբնապես որոշակի դեր հատկացված լինելու մասին, որը հետագայում սրբազրկվելով, առանձին առասպելի է փոխարկվել: Անվանափոխվեց և Հայկը. իրանական ազդեցության տակ նա սկզբում փոխարկվեց Արամազդի: Աստղիկի կապը «տուն Արամազդայ», որին պատմահայրը «ամպրոպային Արամազդ» է անվանում<sup>52</sup>, պատմական չլինելով, կրկին խոսում է վերն արված ենթադրության օգտին: Հայկի նույնացումը Արամազդի հետ, սակայն, սխալ է, քանի որ «Լուսնթագ (Ջևս, Դիոս, Յուպիտեր) — մին ի մոլորակայ բարձրագույնից՝ Լուսնաշույլ յետ արուսեկի, որ և ի կարգս դից հեթանոսաց իբր թագաւոր և հայր շածոց, այն է Արամազդ կամ Որմիզդ...»<sup>53</sup>, Աստղից հետևում է, որ եթե գերագույն աստվածություն իմաստով Հայկ-Արամազդ նույնացումը ճիշտ է (այս նույնացմանը նպաստում է և Արամազդ-Ահուրամազդ-Որմիզդի՝ բարի էակների արարիչ և խավարի աստծու՝ Արհմնի երգվյալ թշնամի լինելու հանգամանքը), ապա համաստեղության առումով, որը տվյալ դեպքում առաջնային է, միանգամայն անընդունելի է, քանի որ նման նույնացումը կհանգեցնի Ցուլ = Խոյ համաստեղությունների միաձուլման: Անվանափոխվելով հանդերձ՝ Հայկը երբեք չկորցրեց ամպրոպայինի, հաղթողի իր հատկանիշները: Դրա լավագույն ապացույցը «Աստղիկ դիցուհու մեհյանը, սենյակ Վահագնի կոչված...»<sup>54</sup> նախադասությունն է: Իսկ Վահագնին հետագայում հայոց նախնիներից ուսումնառելի հայերի նախնի անվանեցին<sup>55</sup>, Այսպիսով, ինչպես Աստղիկ-Արուսյակի, այնպես էլ Հայկի դեպքում ստանում ենք անհաջող անվանափոխումների շղթա (Հայկ = Արամազդ = Վահագն = Հերակլես), որոնք պայմանավորված են եղել հայոց պատմության վայրիվերումներով, արտաքին կապերով:

Հանրագումարի բերելով հետազոտությունների արդյունքները՝ կարող ենք նշել, որ ձկնակերպ ու ցլագլուխ կուռքերը արտահայտել են «Ջուլ» և «Ցուլ» համաստեղությունների գաղափարը, որոնք համապատասխանաբար դիտվել են ջրերի տիրակալ և հաղթանակով ջրերի ելքին ազատություն տվող աստվածություններ, որոնք և «Վիշապամարտի»՝ միաժամանակ ծնված գլխավոր դերակատարներն են: Հայ իրականության մեջ այդ աստվածությունները սկզբնապես Հայկն ու Աստղիկն են, որոնք, անվանափոխվելով ու լրացվելով օտարամուտ անուններով ու տարրերով, ծնունդ տվեցին «Վահագն», «Արա Գեղեցիկ և Շամիրամ» առասպելներին, այլ աստվածությունների, որոնց հիշողությունը վերացնելու համար քրիստոնյա հայրերը ջանք ու եռանդ չխնայեցին, ինչով և կարծում ենք, պայմանավորված է կուռքերի գերակշռող մեծամասնության՝ հողով ծածկված լինելու փաստը:

## БЫЧЬЕГОЛОВЫЕ СТАТУИ ИЗ ВАРДЕНИССКИХ ГОР И К ВОПРОСУ ОБ ИНТЕРПРЕТАЦИИ «ВИШАПАКАРОВ»

Օ. Ս. ԽՈՒՂԻՅԱՆ

### Р е з ю м е

Обнаруженные в летней кочевке «Атташ» с. Маден Мартунинского р-на и в перевале Сулема две бычьеголовые статуи известны в лите-

<sup>51</sup> Նույն տեղում, էջ 58:

<sup>52</sup> Մ ո վ ս ե ս խ ո բ ն ա ջ ի, նշվ. աշխ., էջ 232:

<sup>53</sup> ՆՁԲ, հ., Ա, էջ 903:

<sup>54</sup> Ա գ ա ղ ա ն գ ե ղ ո ս, նշվ. աշխ., էջ 130:

<sup>55</sup> Ա ն ա ն ի ա Շ ի ի ա կ ա ջ ի, նշվ. աշխ., էջ 95:

ратуре под названием «вишапы». Эти статуи рассматриваются нами в качестве идолов божеств созвездий Рыбы и Тельца, олицетворяющих конец зимы и начало весны. Именно смена сезонов рассматривалась древними как борьба Громовержца (Бык) и Змеи (=рыба=вишاپ), легших в основу общеизвестного индоевропейского мифа. На наш взгляд, Хайк (он же Арамазд=Ваагн=Геракл) изначально ассоциировался у армян с Громовержцем (Хайк=Орион), а Астхик — Арусяк (=Анаит) с Рыбой (=змея=вишاپ=сатана).

Следовательно, рыбообразные и бычьеголовые изваяния олицетворяли противоборствующие божества, которые в дальнейшем стали известны в качестве св. Георгия и сатаны. Как нам кажется, именно беспримерная борьба отцов армянской церкви с язычеством, стремление искоренить любые следы языческих верований и является основной причиной того, что эти статуи засыпаны землей.